

հասակում այնքան շատ բաներ գիտեր, այնքան շատ բաներ ուսումնասիրել էր: Իսկ ե՞ս... Ես դեռ ոչինչ չգիտեի...

Ճանապարհը զարմանալի կերպով տրամադրում է մարդուն խօսել, մանաւանդ երկար, ձանձրալի ճանապարհը: Իսկ մեր խօսակցութեան առարկան այնքան առատ էր նիւթերով, որ եթէ տարիներով խոսեինք, դարձեալ չէր սպառուի: Աշխարհի սկզբից մարդիկ խօսում են, վիճում են կրօնի վրայ, եւ պիտի շարունակեն խօսել, մինչեւ աշխարհի վերջը:

Մենք կրկին վերադարձանք դեպի օտարազգի քարոզիչները:

– Նրանք, – նկատեցի ես, – այնպէս չեն, որպէս իրանց հետեւողները, այլ բաւական բարի, քաղաքավարի եւ բարեկիրթ մարդիկ են:

– Այդ այդպէս երեւում է միայն, – պատասխանեց նա ժպտալով, – բայց երբ շատ կը մօտենաք նրանց, կը տեսնեք, թե ի՞նչ հրեշներ են: Տեսա՞ք այդ կրօնաւորին, որքա՞ն հեզ էր, որքա՞ն քաղցր էր խօսում, կարծես բերանից մեղր էր հոսում: Բայց միեւնոյն անձը իր հետեւողների սրտում թոյն կը կաթեցնէ, եւ այնքան անզգալի կերպով, որ նա չի զգայ, թէ վարակւում է:

– Այստամենայնիւ, մեծ զանազանութիւն կայ դրանց եւ բողոքական միսիոնարների մէջ: Այն զանազանութիւնը միայն կայ, որ բողոքական միսիոնարները մեծամիտ են, իրանց միշտ բարձր են պահում ժողովրդի մակերեւոյթից եւ աւետարանի առաքելութեան մէջ անգամ պահպանում են անզգիական կոպիտ հպարտութիւնը: Այդ է պատճառը, որ խիստ նոսազ յաջողութիւն են գտնում: Բայց այդպէս չեն եզոհիտները. դրանք ամէն ծակ ու ծուկ կը մտնեն, ամէն վիճակի հետ կը յարմարեն, եւ այդ պատճառով աւելի վտանգաւոր են: Բողոքական միսիոնարը իր գործի մէջ աղայութիւն է սիրում եւ աւելի ուրիշների ձեռքով է գործ կատարում: Բայց եզոհիտը ինքը իր գործի ե՛ւ տերն է, ե՛ւ մշակը:

– Դուք կարծում եք այստեղ կարող են նրանք վնասակար լինել:

– Եթէ նրանք կարողանում են վնասակար լինել աւելի քաղաքակիրթ հասարակութիւնների մէջ, որոնք ճանաչում են նրանց, որոնք գիտեն պաշտպանուել նրանց դէմ, իսկ այստեղ, մի այդպիսի խեղճ, միամիտ, անպաշտպան ժողովրդի մէջ, ինչո՞ւ չեն կարող վնասակար լինել: Բոլոր այն հրոսակները, որ դարերի ընթացքում արշաւանք են գործել Տարօնում, իրանց բարբարոսութեամբ այնքան վնասներ չեն տուել, որքան կարող է տալ այդ հեզ, խոնարհ կրօնաւորը, որ մի հասարակ ձիու վրայ նստած, միայնակ, քրիստոնէական առաքիւնութեամբ ահա՛ այժմ այցելութեան է գնում այն գիւղը, մի հիւանդի մօտ...